

دائرة مخصوصه

درسمادتده باب على جوارنده

محل اداره :

# مشرط القبر

۱۳۲۶

اخطار :

مسلكمزه موافق آثار جديده مع المنوبه  
قبول اولنور

درج ابدنه بن آثار اعاده اولنور

ديره، فلسفه، علوم، مفروض، ادبيات و سياسيات و باطالاه كرك سياسى و كرك اجتماعى و مدنى احوال و شئونه اسلاميه و نه بحث ايد و هفته ده بر نشر از انور.

آبونه بدلى

سنه لکى التى آيلنى

|                   |       |    |    |       |
|-------------------|-------|----|----|-------|
| ممالك عثمانيه     | ايچون | ۶۵ | ۳۵ | غروش  |
| روسيه             | »     | ۶۵ | ۳۰ | روبله |
| سائر ممالك اجنبيه | »     | ۱۷ | ۹  | فرانق |

صاحب و مؤسسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسمادتده نسخه سى ۵۰ پاره در

قبرله دن مقوا بورو ايله كوندريلىر سه سنوى

۲۰ غروش فضله آلنير

درديجى جلد

۱۲ ش بان ۳۲۸ پنجشنبه ۵ اغستوس ۳۲۶

عدد : ۱۰۲

## مکاتیب

### نحوه خواندن مکتوب

من که باشم که بر آن خاطر خاطر گذرم

لطفها میکنی این خاک دوت تاجها !

مایه امید من ، مایه افتخار من ، استقبالی که قرانقلرمزك  
شمس نورانی ، کره ارض طاعنمش بیچاره یتیم مسلمانلرک بدرلری  
منزله لریده اولان ذوات عظام !

سعادت دینی و بشریه مزك اك محکم وسیله سنی حامل اولان  
مکتوبکیزك شرف قبوله موفق اولدم .

مقاصد سنی سینه ، کله جکده کی فواید عظیمه سینه واقف اولدم .  
کثرت وجد من قلبه شدید بر شادلغك حصولدن مست اوله رق  
کوزلرمدن یاش جاری اولغه باشلادی . جریده فریده (صراط المستقیم) ک  
ارسال ایدیله جکی مرده سی محفل قلبی عطرلندیردی . قارا کلقده  
اولان سرای وجودی ایشقلاندردی . تارمار و خراب اولان عمارت  
وجدانی آباد ایلدی .

قشار استبداده ازیش اولان روحه آب حیات سرپدی . اوت ،  
افندیلریم ! «مقصدمز سیاسی دکلر ، هیچ بر دولتک طور اغانده  
کوزلر یوقدر» بیورمشدیکز ... بک این ! ولکن باشقه لرینک بزم  
طویر اغمزده ، بلکه هر ذره مزده ایکی اولان کوزلری سکز آچیلمشدر .  
محومزه وار قوه لرله چالیشیورلر ، علی الخصوص معلومکز اولان  
استبداد .... خطمه آشنا اولوکز کله جکده بر چوق معلوماتی شامل  
اولان مکتوبلر تقدیم ایتکی امید ایدرم . و صراط المستقیمک شرف  
وصوله بیوک بر شوقله منتظرم .

شیمدی به قدر اورادن بورادن المه کیره رک مطالعه سندن بیوک استفاده لر  
ایدیوردم . جوق فایده لی بر جریده مبارکه اولدیغندن اولندن آخیرینه قدر  
مطالعه سینه جوق مشتاق ایدم . مقدمات اشترا و اشترا کینه مشغول ایدم ، که  
مکتوب شریفکز واصل اولدی ؛ الحق ، اگر دیسم که استحقاقك اك  
اعلی درجه سینه مظهر من ، طوغری سویله مشم .

### آچیق مکتوب

فاضل متفکر محمد عبده افندی حضرتلرینه

« صراط مستقیمک » ۹۹ نومرولو نسخه سنده « اتحاد اسلام »  
سرلوحه سیله تزیین ایلدیکنکز مقاله منقوله کزی اوقودم . عشق انالی  
اسلام ایله مشحون اولان قلبکیزك سائنحات لطیف و متینی اولان  
اویازیلر فقیر یکرزده ده بر طاقم تفکرات و تحسینات اویاندیردی . بونلری ،  
نقاط نظرلریمزك اتحادی حسیله ینه صراط مستقیم رساله محترمه سنی  
واسطه اتخاذ ایدره رک عرضه جرأت ایلورم ..

طوغری سوزلر آچیدر . آجی شیلرده مؤثر در . سوزدنده  
مقصود تاثیر اولدیغندن تأثیراب اولانلرک تحمل ایللری ایجاب ایدر .

ایشته بونک ایچوندرکه مالیه ناظری بوکره استقراض عقدی  
ایچون آروپایه سیاحت ایدرک حکومت سنییه مؤسسات مذکور دنک  
ربقه اسارتندن قور تارمق مقصدیلر دیگر مؤسسات مالیه ایله مذاکره  
کیریشدی . اوتدن بری عادت اوش اولان تضمینات ، تأمینات  
وقونرول اصولی قالدیره رق خفیف بر فائض و نافع بر طاقم شرائط  
ایله استقراض عقدی تشبثاته کیریشدی و ، حد اولسون ، موفق ده اولدی .  
ناظر مشار ایله بوندن صکره حکومت عثمانیه نک استقراضاته  
قارشى و بره جکی تضمینات و تأمینات یالکیز حکومتک اعتبار و ناهوسندن  
عبارت اولاجغنی و قطباً خصوصی و مادی تأمینات و یرمیه جکی  
صراحه اعلان ایتدی . لکن فرانسوزانکلیز محافل سیاسییه و اقتصادیه لر  
بویله بر فکر جدید ایله اویوشلایا جقلرینی و بوتشک حصوله کله سینه  
شدتله ممانعت ایده جکلرینی کندی طرفلرندن صراحه بیلدیردی .

فرانسه مطبوعاتی آرد سنده بر مقام ممتاز احراز ایتیش اولان  
« تان » غزته سی فرانسوزانکلیز حکومت عثمانیه نک بوکی تشبثاته  
مساعده ایده میه جکی ، اوتوز سکز سندن بری دوام ایدکلن غنعات  
اقتصادیه نک ادامه سنی طلب ایده جکی واکر بالفرض پارسده بر مؤسسه  
مالیه بولونوبده ترکیا ناظرینک وضع ایتدیکی شرائط اوزره استقراض  
عقدینه جسارت ایدرسه عموم فرانسولری بویله بر استقراضه قارشى  
بویقوت یامغه دعوت ایده جکلرینی صراحه بیان ایتدی .

فرانسه مالیه ناظری ایسه جاوید بکه یکی شرائط اوزره عقد  
ایدیلن استقراض سندرینک پارس بورسه سنده مبادله ایدیله سینه روی  
مساعده کوسترمیه جکی آچیقدن آچیغه سویله دی .

تورکجه سی ، فرانسولر و انکلیزلر دیمک ایستیورلر که : عثمانلی  
ماتی نه اولورسه اولسون ، نه کی ترقیات کچیررسه کچیرسون . نه کی  
اصول ایله اداره ایدیلرسه ایدلسون ، بز شوملکتی دائمی بر اسارت  
و تضییقات اقتصادی آلتنده بولوندرمغه عزم ایتمشدر ! ..

فقط جناب حقه شکر که بوکی تعذبات موداسی کچدی . عثمانلیلر  
آروپاده کندی حیثیت و شان ملیرله متناسب بر موقع اخذ ایتدیلر .  
اسکی دورک بر اقلش اولدینی کرک سیاسی و کرک سائر هر نوع اسارات  
مادیه و اقتصادییه برر برر قیرمغه عین ثباته عزم ایتشلدر . عثمان  
قومی و عثمانلی قوتی بوکون موازنه دولیه ایچون استصغار ایدایه جک  
درجه ده بیوکر .

ایشته بونک ایچوندرکه پارسده بولوندرده روی موافقت کورمین  
مالیه ناظر من بر اینده ، و یانه کمال شوق و صمیمیتله قبول ایدلشد .  
انشاء اه بوکون ، یارین یکی استقراض سنداتک مذکور شهرلر  
بورسه لرنده قبول اولدینی خبرینی آلیز .

عدو شود سبب خیر کر خدا خواهد  
ینه هر صورتله قزانش بز اولورز ؛ حقیقی دشمنلریمزله  
حقیقی دوستلریمزى تفریق ایچون بزه بویله عبرت آمیز درسلمک  
اهمیتی بیوکر .